



Inatsisartunut ilaasortaq Aleqa Hammond

/Maani

**Inatsisartut suleriaasianni § 36 malillugu apeqquteqaammut normu 239-  
imut akissuteqaat**

15. november 2010  
Sagsnr. 2010-041233  
Dok. Nr. 504707

**Apeqquteqaat:**

Aalisarnermut naalakkersuisup oqaatigaa 20%-mik aalisartukillisaaneq KNAPK paaseqatigilluinnarlugu ingerlanneqartoq, kisiannili ippassaq KNAPK tusagassiorfitsigut nalunaarutaatigut atuarneqarsinnaavoq tamanna pinngitsoq. Maanna Naalakkersuisuinut apeqqutigiumavara suna eqqortoq aallaavigalugu sulisoqarnersoq?

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl  
www.nanoq.gl

**Akissuteqaat:**

Sinerissamat qanittumi aalisarnerup pisariaqartumik aqqissuuteqqinnissaa sammeneqarmat, assut qujanarpoq. Aalisariutinilli aalisartunillu ikilisaanissaq pillugu oqallinneq aatsaat siullermiilngilaq. Tassunga atatillugu innersuussutigisinnaavakka:

- Aningaasaqarneq pillugu Politikikkut Nalunaarusiaq 2007 (inuit 700)
- Aningaasaqarneq pillugu Politikikkut Nalunaarusiaq 2008 (inuit 1.000 )
- KNAPK-mit Royal Greenlandimillu 2007-imi ukiakkut Nalunaarusiaq
- Aalisarnermut Ataatsimiititaliarsuup innersuussutai
- Karlsen gruppip 2008-imi Innersuusiai.

20 %-it pillugit oqallissaarutiga nalunaarusiamik tunngaveqarpoq, sinerissap qanittuani qaleralinniarnermik aqutsinissamat pilersaarusiap piareersaasiernerata ilarisaatut. Aqutsinissamat pilersaarusiaq, ilaatigut KNAPK qanimut suleqatigalugu suliarineqarpoq.

Sinerissap qanittuani aalisariutit qaleralinniartut angallatit 151-pput 8 meterit sinnerlugit angissusillit. Tamatuma saniatigut aalisartut mikinerusut 1.100 missaanni amerlassuseqarput, tassaasut angallatit 8 meterit ataallugit angissusillit, umiatsiaaqqat, qimussit snescooterillu.

Ilanngussaq 1-imi takuneqarsinnaavoq, immikkoortumi sinerissap qanittuani aalisartut, inuit 1.268-it qaleralinnik tunisisimasut. Taakkua 19 %-ii tassalu inuit 241-it ukiumut 1 tons ataallugu tunisisarput.

Apeqqutaalersorli unaavoq, aqqissuusseqqinnermut atatillugu siumungaaq takorloorsinnaaneripput oqarlutalu assersuutigalugu, akuersissummik pigisallit ukiumut kr. 200.000-nit qaangerlugit tunisisarsinnaasut. Ullumikkut

akuersissummik pigisallit 89 %-ii tassalu inuit 1.116 ukiumut kr. 200.000-nit ataallugit tunisisarput. Takuuk ilanngussaq 2.

Soorunami eqqarsaataanngilaq, inuit pinngitsaalillugit aalisarunnaartinnissaat, kisianni aalisarnermut politikki allannguinnissanut aallaavissanik tikkuussisuus-saaq, soorlutaaq aamma sinerissap qanittuani aalisarneq piffissap ingerlanerani taamatut ingerlasimasoq.

Allanngineq ukiualuinnaat ingerlanerini ingerlanneqarsinnaanngilaq, piffissarli sivilisunerusoq atornerqartariaqassalluni. Taamaattumik naatsorsuutigaara, soqutigisaqatigiit amerlasuut allannguinnissamut iluaqutaasinnaasunik siunnersuuteqarnermikkut immersueqataalluarumaartut, soorlu tamanna partiinit arlalinnit, kattuffinniillu allaniillu ujartorneqartoq.

Inussiarnersumik inuulluaqqusillunga

Ane Hansen